

AGREABLE RECIT
DE CE QVI S'EST PASSÉ
AVX DERNIERES
BARRICADES
DE PARIS.

*par Claude
de C. Archespère
1549*

AGREEMENT RECOGNITION

DECEMBER 1851

AND DECEMBER 1851

BARRISTER AT LAW

DECEMBER 1851

L E S

BARRICADES

IE veux chanter les Barricades
Et les populaires boutades,
Dont tout Paris fut alarmé
Quand le Bourgeois armé
Donna de si belles vezardes
A nos braues soldats des Gardes,
Et fit voir que le batelier
Est dangereux sur son palier.
Raconte moy, muse gtotesque
D'où vient cette humeur soldatesque,
Apprens moy de ces mouuemens
Quels furent les commencemens,
Et quel succez eut la furie
De la nouvelle iaquerie.
Depuis tantost cinq ou six ans
L'avarice des Partisans,
Traitans, Soutraïtans, gens d'Affaire,
Race à nostre bonheur contraire
Pilloit avec impunité
Les biens du peuple en liberté,
Et sous pretexte du Tariffe
Rien ne s'échapoit de leur griffe,
Ce mal nous alloit deuorant,
Et comme on voit vn torrent

944.08

M475m

No. 56

872294

Variant

Tombant du sommet des montagnes
Se répandant sur les campagnes,
Etendre par tout sa fureur,
Porter la crainte & la terreur
Dans les villes & les villages,
Ainsi l'excez de leurs pillages
Comme celuy de leur pouuoir
Nous reduisoit au desespoir,
Quand le bon Demon de la France
Touché de voir nostre souffrance,
Fit que perdans le iugement
Ils se prirent au Parlement,
Se promettant que leur malice
Triumpheroit de la Iustice,
Et que ce grand corps atterré
Leur repos seroit assuré,
La Polerte fut la machine
Qui fut destinée pour sa ruine,
Et le piege que l'on tendit
Aux Officiers certain Edit,
Lequel mettoit en apparence
Leurs Offices en assurance.
On demandoit par cet Arrest
Comme par maniere de prest
Quatre années de tous leurs gages,
Mais lors que l'on vint aux suffrages,
Il parut & non sans raison
Dessous le quel quelque poison,
Dont la liqueur estoit mortelle
A l'entee de l'escarcelle.

NOUVEAU

.ON

NOUVEAU

En même temps de tous costez
Des autres corps les Deputez
Attaquez de pareilles craintes,
Arriuent, parlent, font leurs plaintes
Contre la persecution,
Implorent la protection
De ceux qu'ils appellent leurs Peres,
Disent l'estat de leurs miseres,
Et que sans doute ils sont perdus
Si par eux ne sont defendus,
Demandant que chacun s'ynisse
Pour resister à l'iniustice,
Et remonstrer coniointement
A la Reyne ce traitement.
Cette affaire mise en balance
Fut estimee de consequence,
Et comme il ne faut sottement
S'embarquer, ny legerement,
L'union tres fort balottee
Ne fut pas d'abord arrestee,
Les registres sont apportez
Et soigneusement consultez,
On lit, on voit, on examine
La loy ciuile & la diuine:
Mais enfin pour conclusion
Les voix furent à l'union:
Les Partisans par cette voye
Voyans éuanouyr leur proye,
Et leur fonds estre diuertty,
Duquel ils auoient fait party,

Et s'il faut dire quelque anançe
 Baptisent cecy d'insolence,
 Qui fait breche à l'authorité
 De la Royale Majesté,
 Ainsi qu'aux droits de la Couronne,
 De tous costez cecy resonne,
 Et le Conseil fait vn Edict
 Qui l'union leur interdit;
 Le Parlement demeurant ferme,
 Et la chose estant en ce terme,
 On mit par auis du Conseil
 Au mal vn second appareil,
 Et pour dissiper cet orage
 Quelques gens furent mis eu cage:
 Si l'on fit mal, si l'on fit bien,
 Ie m'en raporte & n'en sçay rien,
 Et pour dire vray ne me pique
 De me connoistre en Politique,
 Car en ce mestier le hazard
 A souuent la meilleure part;
 Aux nouuelles de cette prise
 La Bazoche fat fort surprise,
 Ce mal au lieu de se calmer
 Parut de nouueau s'allumer,
 On s'assemble, on crie, on proteste
 Qui iure, qui gronde, qui peste,
 Quelqu'un parle plus hautement
 Et se plaint du gouvernement,
 I'entens celuy de la finance,
 Pour l'autre on garde le silence,

C'est bien assez de le penser,
 De peur de le trop avancer,
 Cependant la Reyne Regente
 Comme elle est sage & tres prudente,
 Voulant à cecy promptement
 Trouuer quelque temperament,
 Remit, pensant calmer l'affaire,
 La Polette à son ordinaire;
 Fit reuenir les exilez
 De la frontiere rappelez:
 Mais defendit aux Compagnies
 De se trouuer encore vnies,
 Puisque leur remettant le prest
 Elles estoient hors d'interest.
 Neanmoins Messieurs des Enquestes
 Dont aucuns sont de ieunes testes,
 Et d'ordinaire à dire net
 L'ont assez proche du bonnet,
 Furent d'opinion contraire,
 L'vn dit, Messieurs, c'est vn mystere
 Si nous cessons d'estre assemblez
 Dans trois iours nous sommes sanglez;
 Nos biens, de mesme que nos vies,
 Releueront de ces harpies;
 Enfin, ce n'est pas d'aujourd'huy
 Qu'on dit ce qu'il te fait, fay loy.
 Machiauel grand Politique
 Qui des Cours auoit la pratique,
 Dans son damnable art de regner
 Ne l'a sceu que trop enseigner,

Toutès les faueurs apparentes
Sont des marques tres-euidentes
Du venin caché là deffous.
Helas, Messieurs, souuenez-vous
De Sinon, du cheual de Troye,
Comme Ilium fut mis en proye,
Et le vieil Priam peu rusé,
Sous vn faux cheual abulé,
Permettez que ie vous le die
Tout cecy n'est que Comedie.
Les biens receus hors de saison,
Les recompenses sans raison,
Ainsi que les chants des Sirenes
Marquét les tempestes prochaines,
Le salut dans vn mauuais pas
Consiste à ne relacher pas,
Souuent c'est proche du riuage
Que les matelots font naufrage;
En deux mots voicy mon aduis
Si mes sentimens sont fuiuis:
Messieurs, auant toute autre chose,
A fin d'affermir nostre cause
Qui n'est pas sans besoin d'appuy,
Nous concludrons tous aujourd'huy
Que l'on soulage la canaille,
Qu'on remette vn quart de la taille,
Que de nos pais desolez
Les Intendans soient rappellez;
Que les Eleus bien que vermine
Exercent au moins pour la mine,
Soient

Soient remis en leurs fonctions
C'est par telles inuentions
Que le peuple prompt & volage
Sement, se conduit & s'engage,
Quand le peuple sera pour nous
Sans doute qu'on filera doux.
Mais si nous manquons cette voye,
Quelque temps calme que ie voye,
L'apprehende fort l'interdit.
Songez-y bien, Messieurs, j'ay dit.
Lors chacun parlant à l'oreille
Avec son voisin se conseille,
Faut-il le croire, ce dit-on.
L'un dit qu'ouy, l'autre que non,
Tel est d'opinion diuerse.
L'un la suit, l'autre la trauerse;
L'un dit que c'est trop attenté;
L'autre la seule seureté.
Cette venerable consulte
Auoit fort de l'air d'un tumulte,
Et comme nous voyons souuent
Lors que l'on chasse à mauvais vent,
Que des voix de diuers meflange
Font aux vieux chiens prendre le change,
Ou confus dans un si grand bruit
Pour suiure les voyes de la nuit,
Encor' que parmy cette émeute
Les Presidens chefs de la meute
D'abord ne donnassent les mains,
Tous leurs obstacles furent vains.

Sans fruit les vieillards s'opposèrent,
 Enfin les frondeurs l'emporterent,
 Et suivant leur intention
 L'on setient à la ionction.
 D'Emery contre son attente
 Trouua la fortune changeante,
 Par des conseils accommodans
 On reuouqua les Intendans.
 La Reyne même à ce qu'il semble
 Trouue fort bon que l'on s'assemble,
 Gens de Palais & gens de Cour
 Ont conference à Luxembourg,
 Le Duc d'Orleans fils de France
 Au Parlement prit sa seance,
 Et le feu loin de s'embraser
 Paroissoit quasi s'appaiser,
 Alors que la prison nouuelle
 Du bon-homme Monsieur Bruxelles,
 Riche d'honneur, pature de biens,
 Arma tous les concitoyens.
 Ce fut au temps que la victoire
 Amoureuse de nostre gloire
 Fit à Lens, ainsi qu'à Rocroy,
 Triompher nostre ieune Roy
 De ces redoutables cohortes
 Qui sembloient menacer nos portes,
 L'illustre Prince de Condé
 Par son courage secondé,
 Avec ses troupes comme vn foudre,
 Mist tous leurs escadrons en poudre,

Et les fuiuant iufqu'à Doüay.
 Vengea la perte de Courtray.
 Chacun beniffoit fa prouëffe,
 Tout eftoit remply d'allegrefle.
 Mais comme en vn beau iour d'Eté
 Plein de lumiere & de clarté.
 Le Ciel fe couurant de nuage
 Change le beau temps en orage,
 Et des ruiſſeaux font vne mer,
 Noſtre plaifir deuient amer,
 La ioye en nos cœurs preparee
 Ne fut pas de longue durée:
 De tout temps nos Rois tres-pieux
 Par vn zeile deuotienx
 Quand le Ciel a beny nos armes
 Et la valeur de nos gendarmes
 Vont en cortège ſolennel
 Rendre graces à l'Eternel,
 Dedans le Temple où l'on reueré
 Le nom de ſa tres-chaſte Mere.
 Les Gardes dès le poinct du iour
 Aſſemblez au ſon du tambour
 Dans le Marché-neuf ſe logerent,
 Et ſur le Pont-neuf ſe poſterent,
 Quand la Reine eſtant de retour
 Vn bruit ſ'épand tout à l'entour
 Que l'on auoit pris le bon-homme
 Que le peuple ſon Pere nomme.
 L'un dit, on l'a mené par là,
 L'autre cecy, l'autre cela,

Le murmure échauffe les biles
 Des batteliers gens mal dociles,
 Et chacun s'arme aux environs
 Qui de crocs, & qui d'auirons,
 De cailloux, de pics & de peles,
 De bans, de tréteaux, d'escabelles,
 De barres de fer, de leuiers,
 De grez que l'on prend aux lauiers,
 Ce peuple farouche & fantasque,
 Iure, maudit, peste, renaque,
 Tout est plein de confusion,
 D'horreur & de sedition;
 Des plaintes on vient aux murmures,
 Aux cris, aux fureurs, aux iniures,
 Et les soldats du Regiment
 Repoussiez assez brusquement,
 Voyans leur partie trop mal faite
 Firent vne prompte retraite,
 Et dans ce bizarre combat
 Quelques-vns sont mis au grabat,
 Le peuple fait les Barricades,
 Les poursuuant avec brauades,
 De tous costez on fait grand bruit,
 On court, on s'auance, on fuit,
 Maçons, Charpentiers, Alchimistes,
 Imprimeurs, Relieurs, Copistes,
 Guçons de Postes & de Relais,
 Colporteurs & Clercs du Palais,
 Tailleurs, Pages d'Apoticaire,
 Maquignons, Ecorcheurs, Libraires,

Fourbisseurs, Charrons, Batteliers,
 Crocheteurs, Doreurs, Ecoliers,
 Crieurs de noir & d'eau de vie,
 Moutardiers & vendeurs d'oublie,
 Crieurs de passément d'argent,
 Assistans, Recors & Sergent,
 Meneurs de hacquets & broüettes,
 Marqueurs, enfans de la Raquette,
 Porte-chaires, passeurs de bac,
 Vendeurs de pipes & tabac,
 Cureurs de puits & de gadouë,
 Chartiers qui menent la bouë,
 Mareschaux, Forgerons, Celliers,
 Par tout s'épandent par milliers;
 Aux Halles les Fripiers s'armerent,
 Et les Bourgeois se cantonnerent,
 Auprès aussi bien comme au loin,
 Sur le Quay, sur le port au Foin,
 Chacun son compagnon reclame,
 Fourbit son mousquet & sa lanie,
 Et jure sans cesse morbieu,
 Prend l'hallebarde ou quelque épieu.
 Cette martiale journée
 Par la nuit ne fut terminée,
 On oit de moment en moment,
 Sans sçauoir poutquoy ny comment,
 Aux portes & par la fenestre,
 Peter fortement le salpestre,
 Et ces gens, à n'en mentir point,
 Estoient braues au dernier point.

Le lendemain la belle Aurore
 Les trouua tous armez encore,
 Et comme ils n'auoient pas dormy,
 Remplis de vin plus qu'à demy,
 De ce jus leur ame échauffee
 Se promettoit quelque trophée:
 Le Chancelier à ce matin
 Conduit par son mauuais destin
 Portoit à la Cour Souueraine
 Vn ordre enuoyé par la Reyne;
 On luy crie demeure-là,
 Luy surpris de ce, qui va là?
 Terme ordinaire de milice,
 Peu cogneu aux gens de Iustice,
 Les ayant appelez mutins
 Gagna le Quay des Augustins;
 Le peuple s'émeut dans la rue,
 Le fait, le claboude, le huë:
 Le Chancelier fendir le vent,
 Le peuple le va poursuivant,
 Et quelque gent fiere & mutine
 Iuestit l'Hostel de Luynes,
 Rompt la porte de la maison,
 L'vn en sa maintient vn tison,
 Vn chenet, vne lichefrite,
 Le couuercle d'vne marmite,
 Ils iurent tous qu'il en mourra,
 Et que rien ne le sauera:
 Luy reduit à cet accessoire,
 Et qui pour auoir leu l'Histoire

Sçait fort bien comme d'autrefois
 Sous le regne des anciens Rois
 Vn Chancelier fut mis en broche
 Par le noble écorcheur Caboche,
 Assisté de quelques mutins,
 Vulgairement dits Maillotins,
 Crût sa dernière heure venue,
 A deux genoux la teste nue,
 Dans ce peril rude & pressant
 Il inuquoit le Tout-puissant,
 Et fit, comme on le peut croire,
 A l'Euesque de Meaux son frere,
 De ses pechez confession,
 Avec protestation,
 Que si du danger il échape
 Jamais plus on ne l'y attrape,
 De ces angoisses oppressé,
 Aussi pâle qu'un trespasé,
 Les Gardes viennent à la file,
 D'abord la canaille fait gile;
 Mais suruint à cet accident
 Le Mareschal Surintendant,
 Toujours fier comme son espée
 Au sang des ennemis trempée,
 Dont il occit vn Crocheteur
 Qui n'estoit là que spectateur,
 Excitant sur luy mainte pierre,
 Qui pensa le ietter à terre,
 Et d'Ortis arriuant soudain
 Prit le Chancelier par la main,

16

Que la Cronique méditante
Dit, qu'il auoit froide & tremblante,
Et ce grand Ministre d'Estat
Eschappe de cet attentat,
Crainte de pareille bourasque
Avec la vitesse d'un basque
Alla chercher sa seureté
Au Palais de sa Majesté.
La suite de cette heure extrême
Pour tous les siens ne fut de mesmes,
Sur le Pont-neuf l'exempt Picot
A la mort paya son écot:
Sa triste & funeste auenture,
Sans qu'il soit besoin qu'on en iure,
Fait voir que pour ne pas mourir
Il n'est rien tel que bien courir,
Et qu'en de semblables affaires
Les iambes sont tres-necessaires:
Laissons ce Ministre dispos,
Au Palais Royal en repos.
Faisons vn tour parmy les ruës,
Par tout les chaisnes sont tenduës,
Des caues on sort des tonneaux,
On amene des tombereaux,
Des chariots & des charettes,
On appreste les escoupettes,
Et nos Bourgeois tous resolus,
Vieux soldats tout frais émoulus
Sont attachez aux Barricades
Comme forçats à leurs rocadés,

Carmeline

Carmeline l'Opérateur,
 Vestu d'un colet de senteur,
 Chasses de Damas à ramage,
 La grosse fraize à double étage,
 Bas d'attache & le brodequin,
 De vache noire ou de maroquin,
 Le sabre pendant sur la hanche,
 Et sur tout l'écharpe blanche,
 Tenant en main bec de corbin,
 Monté sur un cheual Aubin,
 Gardoit avec six cens & vnze
 Le Poste du cheual de Bronze,
 Et fit assez diligemment
 Un bizarre retranchement.
 De cette belle architecture
 A peu près voicy la peinture,
 De l'un jusqu'à l'autre pillier
 On met des dents un ratellier,
 Sur les dents on mit les machoires,
 Des brayets, des suppositoires,
 Des Pellicans, des Bistouris,
 Des boëtes de poudre d'Iris,
 Des chaüts, des portes, des cruches,
 Des coquemars, des œufs d'Autruche,
 Quelques saloirs remplis de lard,
 Et sur ce solide rempart
 On fit un parapet de grilles,
 Par où guignoient deux crocodilles.
 Il est vray qu'ils ne viuoient pas,
 Mais chacun ne le sçauoit pas,

La formē estoit pentagonale;
Triangulaire ou bien ovale,
Qui voudroit en leuer le plan
Ne le sçauroit en moins d'un an;
Ie le donneau grand Archimede,
Aux compagnons de Diomede,
A Vitruue, à Nostradamus,
A feu l'ingenieux Camus,
Gamorin, Taigon & de Ville,
A Roberual qui monstre en ville;
Villedor, Mercier, Mestrezau,
Sainct Felix, le Pautre, le Veau,
Jean Tiriot qui fit la digue
Et traçoit du temps de la digue
Aux Ingenieurs des Allemans,
Aux Hollandois & aux Flamans,
A Stenin comme au sieur des Cartes,
A Bleu qui décrit tant de cartes,
A Mercator, à Oudinet,
Au Geographe Bertinet,
Auec compas Mathematiques,
Instrumens nouueaux & antiques,
D'en faire la description
Dans la iuste dimension,
Tant l'art auoit mis d'artifice
A bastir ce noble edifice.
A la Halle & aux enuiron
On se retranche de marons,
De citrouilles, de pommes pourries;
De choux, de concombres, d'orties,

De cresson, pourpier & naueaux,
 Artichaux, raues & porreaux,
 Prunes, grugnons, poires, oranges,
 Les cabats traînent dans les fanges,
 Et le cordon de ce trauail
 Fut fait de fine gouffe d'ail,
 Et on adiouta quelques bortes
 Detres-puantes échalottes,
 Ce qui faisoit vn bel effet,
 Dont le peuple fut satisfait,
 Derriere maintes Harangeres
 Plus affreuses que des Megeres,
 Mettant la main sur les roignons
 Crioient par la teste aux oignons,
 Ces traistres nous l'ont donné belle,
 Viue le Roy, viue Bruxelle,
 Viue la Cour d' Parlement,
 Et sucre du gouuernement:
 Elles adioustoient autre chose
 Qui ne se peut dire qu'en prose,
 Harangeres certainement
 A le dire confidamment
 Meriteroient d'estre fessées,
 Et d'auoir les langues coupees.
 Mais passons aux autres cartiers
 Où les garçons de tous métiers
 Quittans le soin de la boutique
 Prenoient l'halleberde ou la pique,
 Le coutelas ou l'espadon;
 Le d'estoc ou le bourdon,

Chacun saisissant à la haste
 Ce qui se trouue sous la pate,
 Seruantes au haut des greniers
 Portotent cailloux à pleins paniers,
 Les femmes estoient aux fenestres,
 Tout s'en mesloit horsmis les Prestres,
 Mais ceux qui n'estoient qu'*insais*
 Animoient les gens par lenis cris,
 De barricade en barricade
 Constantin iouoit sa boutade,
 Et par vn martial fredon
 Sonnoit l'alarme en faux bourdon.
 Au milieu de ce grand desordre
 On voit arriuer en bon ordre
 A pas comptez & gravement
 L'illustre Cour de Parlement,
 Tout le peuple leur fait grand feste,
 Mais inclinant par fois la teste
 Avec vn modeste soufhis
 Flattant ces nouueaux aguerris,
 Ils trouuerent la populace
 Laquelle s'ouure & leur fait place,
 Leur dit, Allez nos Protecteurs,
 Abolissez les Collecteurs,
 Ou bien du moins faites en somme
 Que vous rameniez le bon-homme.
 Cependant au Palais Royal
 On discouroit qui bien, qui mal,
 L'un disoit c'est trop entreprendre,
 L'autre, ils font bien de se defendre,

Enfin la Reine les reçeut,
 Et les Huissiers ayant fait chut,
 Molé d'un visage assez ferme
 Luy parla à peu près en ceterme:
 Reyne, l'image du grand Dieu,
 Si nos souhaits auoient eu lieu,
 Et que pour le bien de la France
 On eust pris en nous confiance,
 Ce tumulte hors de propos
 Ne troubleroit vostre repos,
 Quoy dans l'allégresse publique
 Par vne fausse politique
 Mettre hors de temps & saison
 Les bons Magistrats en prison
 Pour auoir avec assurance
 Dit leur aduis en conscience:
 Ce qui maintient les Potentats,
 Le plus ferme appuy des estats,
 Est de regner avec Iustice,
 Mettre en vsage l'artifice,
 La fourbe & le déguisement,
 C'est en saper le fondement.
 Madame, ces mauvais copistes
 Des conseils Machiavelistes
 Qui seduisent vostre douceur,
 Eloignant de nous vostre cœur
 Par des raisons imaginaires
 Au bien de vostre estat contraires,
 Vous disans pour leur interest
 La chose autrement qu'elle n'est,

Mais las ! il n'est plus temps de feindre,
 Tout s'émeut, le peuple est à craindre,
 Dieu quel peuple ! vn grand peuple armé,
 De rage, de fureur animé,
 Qui met son salut en ses armes,
 Lors quelques veritables larmes,
 Que disent les enuieux,
 Parurent couler de ses yeux ;
 Puis avec la mesme eloquence
 Avec vne entiere assurance
 Il poursuiuit, Ne craignez pas,
 Madame, de faire vn faux pas,
 Cedant comme il est necessaire
 A la fureur du populaire,
 Quand le vent agite les flots
 Les plus habiles matelots
 Pour se garantir du naufrage,
 Par vn conseil prudent & sage
 Au lieu de résister au vent
 Calent le voile bien souuent,
 Et les yeux arrestez sur l'Ourse
 Nautgent d'une oblique course
 Ce que pratiquent les nochers
 Parmy les bancs & les rochers,
 Apprend aux Rois à se conduire
 Dans les troubles de leur Empire,
 Comme ce perfide element,
 Le peuple s'emeut aisément,
 Mais il s'appaise tout de mesme,
 Vostre sagesse toute extrême,

43
Madame, éloignera de nous
Ce malheur dont ie crains le cours,
En accordant à nos prieres
La liberté de nos Confreres;
Le peuple a le même desir,
Il n'y a pas lieu de choisir,
Je crains que perdant l'esperance
Il n'en vienne à la violence,
Ce sont des cheuaux échapez,
Diardeur & de fouge emportez;
Dont la fureur choque & renuerse
Tout ce qui vient à la trauerse,
Faciles à s'effaroucher,
Difficiles à rapprocher.
Songez bien que cette iournée
Doit faire nostre destinée,
Que pour le salut de l'Estat
Il faut terminer ce debat,
Et qu'à des troupes bien armées
D'un iuste pretexte animées,
Les canons tous prests à tonner,
Refuser tout, c'est tout donner.
La Reyne pleine de sagesse
Dissimulant avec adresse,
Luy repartit & accorda,
Non pas tout ce qu'il demanda,
Mais seulement vne partie,
Dont la populace auertie,
Quand ils sortirent les poursuit;
Se plaint, murmure, & fait grand bruit.

24
Le Parlement tres-estonné
De ce succez inespéré,
Voyant que ces ames vulgaires
Traittoient ainsi leurs Tutelaires,
Fait de nécessité vertu,
Et de diuers soins combattu,
Deux à deux en belle ordonnance
Vers le Palais Royal s'auance:
Le peuple redouble ses cris,
Les plus hardis se trouuoient pris,
Pesse messe avec la canaille,
Le soldat se met en bataille,
On murmure, on parle, on discourt
Dans l'anti-chambre & dans la Cour,
Ainsi ces Messieurs arriuerent,
Et par le grand degré monterent,
Chacun se rengant à l'entour,
S'enquiert d'où vient ce prompt retour,
L'un disoit faisant grize mine,
Le retour vaudra bien matine.
L'autre d'un gracieux maintien
Groyez-moy ce ne sera rien.
Et chacun selon son genie
Rioit ou n'en rioit mie.
Comme le mal estoit pressant,
Que le danger alloit croissant,
On resolut sans plus attendre
De relâcher & de les rendre,
Cheuaux & Coches attellez,
Et proches parens appelez,

On

##

quel qu'y plus hardy que les autres
cet toy mangeur de patenostres
dit il au premier president
qui a cause et accident
de luy presente la bte Garde
mau bier et garde quidi en gao de
il coule u a li magistat
cau la liberte de prisonnat
La rumen denenant plus forte
il fut poussé dans ermi port
tout le peuple cy et la son
crioit avec Emotion
on estoit uant de le ramener
sinon tu boiras dans la crin
Il ny a point a bavquignie
de l'piche toy sans te bavquie
avec authe force rurban a
neant moue avec dolan a
quoy di si en ile pebe conscripte
Souffrir et nous qui con nous bier
quoy nous paye de ba luevne
noue le uoulons presentement
ha meil aum tout douc auer
mor bier de grace patience
noue en auerons et cy di l'gerce
a quoy bon toutte la fa con

Cery domade grands frisson
aquel qu'un de la sembler
qui l'amo de frayer woubler
se souvenant de la facon
que la signe baicta brisson
craignant parilleu accolade
si caotent de leur camarades
et si seoulent a petit bruit
d'autou attendre en la nuit
et comme elle n'a point de son
si c'est un ray a qui dit le tout
luy deus de cetui d'uy n'it failloy
met suu soy dos en cor billoy
a sa pieda pantouffle de natte
cubi sa l'ambouu la the
l'at est d'ame en chappoy
plume de coq a l'uni roy
en gaud woubler d'est ami in
a tout bas bonill de fauine
seru bla bla a l'adame a l'oy
cy fuyre y aigua la mai soy
ce qui ne fut par l'ame ri for
mau ri pri nomme ri cri ser
a pau l'ame ri ber est ouu
de ce l'ame ri inu p'ere ff

On s'achemine en diligence
 Droict an Ménil Madame Rance,
 Où Bruxelles estoit arriué,
 Ceux qui furent de ce costé
 Passerent avec plus de peine
 Que ceux qui estoient à Vincenne.
 Apres auoir fait maint detour,
 Quand la nuit eut chassé le iour
 Sentirent sur eux pelle-messe
 Tomber des cailloux vne gresle,
 Qu'en la rue des Chiffonniers
 On iettoit du haut des greniers.
 Toute la populace émeüe
 Crioit demeure, tuë, tuë, tuë,
 Et dans ce populaire effort
 Tous leur representoit la mort,
 Demeurer, c'est chose mortelle,
 De reculer, point de nouuelle,
 Mais le Coudray se resolut
 Ainsi que le bon Dieu voulut,
 De leur faire vne tentative.
 On luy crie de loin, qui viue ?
 Viue le Roy ; ce n'est assez,
 Viue le Parlement, passez.
 Qui estes vous gens des Enquestes ?
 Faworables à vos requestes,
 Amis qui pour vous secourir
 Hazarderons iusques au mourir,
 Tout de bon n'en faites nul doute,
 Messieurs de nuict on ne voit goutte.

Mais d'aller ainsi sans flambeau
Morbieu cela n'est bon ny beau,
C'est affronter le corps de garde,
Pour vous nous n'y prenons pas garde
A Nosseigneurs tout est permis,
Et vous estes de nos amis.
Lux échappez de la déroute
Suiuent pareillement la route,
Et firent si bien leur deuoir
Que Blanmesnil vint dès le soir:
Cependant nos nouueaux gendarmes
Ne voulurent poser les armes
Ny rentrer dans leurs maisons,
Ils alleguent mille raisons,
Disant que l'on les veut surprendre,
Qu'il se prepare vn grand esclandre,
Que l'on pretend les renfermer
Dans Paris pour les affamer,
Vier enuers eux de finesse,
Boucher le chemin de Gonasse,
Qu'il n'y arien pour le certain
De si long comme vn iour sans pain,
Et qu'ils y donneront bon ordre,
Tout Paris est plein de desordre,
De terreur, de crainte, d'effroy,
Sans neantmoins scauoir pourquoy:
La nuit se passe de la sorte,
Sans souffrir que personne sorte
De la ville dans le fauxbourg.
Quand le Soleil fut de retour

Quelques gens arriuent en foule,
 Qui diuoient que proche du Roulle,
 A Boulongne & aux enuiron
 Paroist quantité d'escadron,
 Qu'ils en ont veu bien prés de mille,
 Le peuple à s'alarmer facile
 Prend cela pour argent comptant,
 Et s'en trouble tout à l'instant,
 Gronde, tempeste, s'effarouche,
 Dit ce qu'il luy vient à la bouche,
 Et tout luy deuenant suspect,
 Parlant sans crainte & sans respect,
 Que ce malheur est sans remede,
 Et que la Reyne de Suede,
 Konigsmar & le Loup-garou
 Ont pris leur cartier à saint Clou,
 Quelqu'un dit qu'il a veu la Seyne
 De monstres marins toute pleine,
 Qui ont en main le coutelas
 Conluits par le poisson Colas,
 Et que les ayans veu parestre,
 S'approchant pour les recognoistre,
 Soudain s'estans mis à plonger
 De leur nombre il n'a peu iuger;
 Que neantmoins la troupe est grande,
 Et qu'ils sont bien plus d'une bande.
 Que l'on doit à son sentiment
 Craindre vn funeste euenement,
 Et qu'il y a parmy ces bestes
 Quelque chimere à cent testes.

Le peuple qui croit de leger
 Et qui ne craint que le danger,
 Dit que cela pourroit bien estre,
 Que mesmement deuant Biffestre,
 Il paroist des Magdaleons
 Montez sur des Cameleons,
 Quel'on y voit des Hypogrifes,
 Des Cavaliers ou Hieroglyphes,
 Qu'entr'eux mesme sur vn dragon
 On recognoist le Roy Hugon,
 Qui pour leur ruine certaine
 Est party de Tours en Touraine,
 Que cecy n'est point vision
 Et qu'ils sont plus d'un million,
 Qu'ils jettent le feu par la gorge,
 Qu'il faut mander M. saint George,
 Lequel depuis plus d'an & iour
 Au sepulchre fait son seiour,
 Faire en sorte que la Pucelle,
 Ainsi qu'il combatit pour elle,
 L'engage en ce malheur pressant
 Au secours d'un peuple innocent.
 La ville à cette renommée
 De nouueau se voit rallumée,
 Et quelque vin dessus le jeu
 Dont ils aubient pris plus qu'un peu
 Faisoit que les gens venerables
 Estoient de raison peu capables,
 Quand à neuf heures du matin
 On vit au Fauxbourg saint Martin

Arriuer par bonne auenture
Montieur Bruzelle & sa voiture.
Ceretour fit vn coup du Ciel,
Le peuple deposa son fiel,
De deux costez se range en haye,
Mais pourtant craignant vne baye
Veut voir le bon homme chenu
Qui de force gens n'est cognu.
Aussi-tost qu'il monstre la teste,
Chacun son harquebuze preste,
Son mousquet & son poitrinal
Fait vne salve en general.
Par tout le cry se renouuelle
Viue le Roy, viue Bruxelles,
Quatre cens hommes à l'instant
Le conduisent tambour battant,
Et le promenant par les ruës:
Les chaines furent détenduës,
Tous les tonneaux sont renuersez,
Mais non les soupçons effacez;
Il est conduit en la grande Chambre,
Ses Compagnons furent le prendre;
En suite vn Arrest est donné
Par lequel, il est ordonné
A chacun d'ouuir sa boutique,
Les Clercs reprendre leur pratique,
Mousquets remis aux rateliers,
Maçons prests à leurs ateliers,
Les Chartiers à leurs charettes,
Les Vinaigriers à leurs broüettes,

Les Mareschaux à leurs marteaux,
 Porteurs d'eau prennent leurs seaux,
 Les Charpentiers la besaguë,
 Et la magnifique Cohuë
 Tout doucement se separa,
 Chacun chez soy se retira,
 A la Cour ainsi qu'à la ville,
 Tout parut remis & tranquille,
 Chacun reprit sa belle humeur,
 Ainsi finit cette rumeur.

Je ne sçaurois vous faire entendre
 S'il y a du feu sous la cendre;
 Mais sans pousser l'affaire à bout
 Nostradamus & Dieu sur tout.





